

horamai liberati e si fazi una Libreria. Et a questo sier Zorzi Emo savio dil Consejo è molto caldo, e disse si meteria la parte e commeter la custodia di quelli a qualche homo dotto; fo ditto di Marco Masuro leze greco, et di pre' Batista Ignazio veneto, homo doctissimo. E non *solum* ozi esso capitano zeneral, ma questi altri zorni à solicità questo.

Di Udene, di sier Leonardo Emo. Come quelli di Maran, volendo insir fuora

Di Ingaltera, di sier Andrea Badoer orator, fo letere eri sera, da Londra, di 30 Marzo. Zerca danari per il suo repatriar, come per avanti à scritto; qual letere, per non esser cossa di momento, non fo lete ni in Colegio, ni in Pregadi.

Da poi disnar, fo Pregadi et leto solo la letera di Udene.

Fu posto, per li Savii, che alcuni capitoli à fato sier Zuan Antonio Barbaro capitano e provedador a Napoli di Romania, quando el fo a Legena di hordine di la Signoria nostra, per esser longa scrittura, ch'el Collegio habbi libertà di expedirli a bosoli et balote, *ut in parte*; et fu presa: 17 di no, 134 di si.

Fu posto, per li diti sier Francesco Foscari, sier Bernardo Barbarigo consieri, zerca il Zante, ch'el sia taià ogni suspension fata per altri che per Pregadi, e tutti debano pagar li debitori di dacia e decime, e li danari vengi in quella camera, et trati li ducati 500 al tesoro, 300 a la fabrica et 200 per le spese extraordinarie, il sorabondante, che sarà ducati 2000, con le decime di formenti, et debi afitar il dazio dil vin a spina, si afitava ducati 400, et afiti la decima di formenti a formenti, e debi far biscoli per l'armata per tutto Luio, *ut in parte*: 4 di no, 155 di si.

101 Fu posto, per li Consieri e Savii, che hessendo differentia tra la comunità di Havian e consorti di la Patria di Friul con sier Anzolo e Cristoforo Gabriel feudatarii nostri, come mariti di do fiole fo dil conte Lanziloto de Tolentin, qual ha la gastaldia di Havian, si elezino, per Collegio, tre zentilhomeni nostri a giudicar dite differentie etc.; 6 di no, 144 di si.

Fu posto, per li Savii, che il conte Zuanne di Corbavia, qual fu *alias* conduto con la Signoria nostra con cavali 150 in Dalmatia per custodia con ducati 3000 a l'anno, et poi reduto a ducati 2000, et è compito la ferma; che atento fazi per la Signoria nostra averlo a' nostri stipendj, ancora ch'el sia conduto per uno anno di fermo et uno di rispetto in libertà di la Signoria nostra con cavali 150 et ducati 2500 a l'anno, *ut in parte*, e fu presa; *tamen* fa

poco frutto. E nota. A qui do soi oratori, uno di qual va vestito con una caxaca d'oro; el qual conte Zuanne è al proposito per le cosse di Dalmatia di averlo con nui.

Fu posto, per li ditti, dar conduta a uno Nicolò Glubenich da Sibinico, qual se oferisse condur bon numero di cavalli lizieri bosignachi: sia acetà la obligation, habi ducati 8 per paga a Sibinico, tegni 5 cavalli, page 8 a l'anno: 20 di no, 125 di si.

Fu posto, per sier Piero Lion, sier Batista Morexini consieri, sier Zorzi Emo, sier Polo Capelo el cavalier savii dil Consejo, et tutti 5 Savii a terra ferma, da poi lecto una scrittura ben ditata dil capitano zeneral nostro, per la qual manda la relaxation di presoni è in li cabioni, sì todeschi come spagnoli, per esser tutti soi e de chi li hanno presi per li capitoli ha con la Signoria nostra quando fo conduto, et questo fa per poter riscatar suo nepote et altri presoni è a Verona e tutti li nostri zentilhomeni è in mano di todeschi etc., però, per autorità di questo Consejo li sia concesso e datoli essi presoni liberamente, *ut in parte*. A l'incontro, sier Antonio Grimani procurator messe de indusiar, et fusse persuaso la excellentia dil capitano a voler aspetar, perchè questo non è tempo di liberarli, aziò vadino a farne più guerra etc. Et parloe primo sier Luca Trun, fo savio dil Consejo, qual per niun modo vol se li dagi, alegando tutti li presoni lasati capitani e altri, quali liberati ne à fato grandissima guerra, et fo molto longo, e fe' una optima renga. Li rispose sier Zorzi Emo savio dil Consejo, dicendo il capitano li vol, *de jure* li aspeta, è bon darli. Andò le parte: 53 di Savii, 136 di l'indusia et questa fu presa; e di questo fo comandà grandissima credenza, *maxime* le disputation fate e chi ha parlato etc.

Fu posto, per li Consieri, che atento il caso seguito di tre pelegrini morti in li boschi di Fosson, sia dà libertà al podestà di Chioza di meterli in bando di terre e lochi di la Signoria nostra da mar et da terra, e taia lire 1500; et fu presa. Ave

Fu posto, per i Savii dil Consejo et terra ferma, 101* di far una Libreria sopra la Piazza di San Marco in una di le caxe nuove si farà di la procuratia, qual è in mezo, et dove li procuratori à contentà dar, dove siano posati li 800 volumi di libri lassò il reverendissimo Niceno et sono in man di Procuratori, *ut in parte*. Ave 17 di no, 149 di si, e fu presa; la copia di la dita parte scriverò qui di soto.

In questa matina, in Quarantia criminal, absente, per li Avogadori di comun, fo posto parte di pro-